



BOSNA I HERCEGOVINA
VIJEĆE MINISTARA
Generalno tajništvo

Broj: 05-02-499/11
Sarajevo, 31.5.2011. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 31.05.2011. god

Organizaciona jedinica	Klasifikaciona oznaka	Redni broj	Broj prijava
01,02-02-1-12/11			

B

PARLAMENTARNA SKUPŠTINA BiH

- Zastupnički dom -

- Dom naroda -

SARAJEVO

PREDMET: Prijedlog zakona o izmjenama i dopunama Zakona o Agenciji
za unapređenje inozemnih investicija u Bosni i Hercegovini

Vijeće ministara Bosne i Hercegovine, na 149. sjednici održanoj 27.4.2011. godine, utvrdilo je Prijedlog zakona o izmjenama i dopunama Zakona o Agenciji za unapređenje inozemnih investicija u Bosni i Hercegovini, te zaključilo da se isti uputi Parlamentarnoj skupštini Bosne i Hercegovine uz prijedlog da se razmatra po temeljnom zakonodavnom postupku.

U svezi sa navedenim, u privitku dostavljamo Prijedlog zakona o izmjenama i dopunama Zakona o Agenciji za unapređenje inozemnih investicija u Bosni i Hercegovini, na bosanskom, hrvatskom i srpskom jeziku. Istodobno dostavljamo Pregled članaka Zakona o Agenciji za unapređenje inozemnih investicija u Bosni i Hercegovini koji se mijenjaju i dopunjavaju, kao i elektronsku verziju Prijedloga zakona.

S poštovanjem,



GENERALNI TAJNIK
Zvonimir Kutleša

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine na sjednici Doma naroda, održanoj _____. godine, i na sjednici Predstavničkog doma, održanoj _____. godine, usvojila je

ZAKON

O IZMJENAMA I DOPUNAMA ZAKONA O AGENCIJI ZA UNAPREĐENJE STRANIH INVESTICIJA U BOSNI I HERCEGOVINI

Član 1.

U Zakonu o Agenciji za unapređenje stranih investicija u Bosni i Hercegovini ("Službeni glasnik BiH", broj 56/04) naziv Zakona mijenja se i glasi: "Zakon o Agenciji za unapređenje stranih investicija i preduzetništva u Bosni i Hercegovini".

Član 2.

Član 1. mijenja se i glasi:

„Član 1.

Ovim Zakonom osniva se Agencija za unapređenje stranih investicija i preduzetništva u Bosni i Hercegovini (u daljnjem tekstu: Agencija) i uređuje se njen položaj, nadležnost, rukovođenje, organizacija i druga pitanja od značaja za njen rad.“

Član 3.

Član 3. mijenja se i glasi:

„Član 3.

(1) Naziv Agencije je: Agencija za unapređenje stranih investicija i preduzetništva u Bosni i Hercegovini.

(2) Naziv Agencije na engleskom jeziku je: "Foreign Investment and Entrepreneurship Promotion Agency of Bosnia and Herzegovina".

(3) Skraćeni naziv Agencije je "FIEP".“

Član 4.

U članu 5. st. (1) i (2) mijenjaju se i glase:

“(1) Agencija vrši promociju direktnih stranih investicija i doprinosi promociji preduzetništva i poboljšanju konkurentnosti malih i srednjih preduzeća, u skladu s ovim Zakonom, odlukama i smjernicama Vijeća ministara Bosne i Hercegovine (u daljnjem tekstu: Vijeće ministara), u saradnji s drugim nadležnim institucijama na nivou Bosne i Hercegovine, entiteta i Brčko Distrikta Bosne i Hercegovine.

(2) Agencija promovira Bosnu i Hercegovinu kao modernu državu, ozbiljnog, konkurentnog i sigurnog partnera za ulaganje kapitala”.

Poslije stava (2) dodaje se novi stav (3) koji glasi:

“(3) Radi ostvarenja ciljeva iz st. (1) i (2) ovog člana Agencija:

- a) osigurava informacije potencijalnim investitorima o zakonodavstvu Bosne i Hercegovine;
- b) upućuje investitore ka potencijalnim investicijskim projektima u entitetima, Brčko Distriktu Bosne i Hercegovine, kantonima, regijama i pojedinim sektorima privrede;
- c) predstavlja prednosti i karakteristike koje se odnose na projekte, i to: zakonski, ekonomski i finansijski okvir, poreski sistem, industrijsko okruženje, te olakšice koje se daju investitorima na nivou države, odnosno entiteta, Brčko Distrikta Bosne i Hercegovine ili nižem nivou;
- d) organizira i/ili učestvuje na seminarima, izložbama i konferencijama na kojima se promovira država;
- e) prati i analizira investicijsko okruženje na državnom i međunarodnom nivou;
- f) predlaže legislativu i zakonske mjere s ciljem unapređenja uslova investiranja;
- g) učestvuje u pregovorima o međudržavnim, bilateralnim i multilateralnim investicijskim sporazumima;
- h) pokreće i održava saradnju s istim ili sličnim agencijama drugih zemalja;
- i) provodi Strategiju razvoja malih i srednjih preduzeća u Bosni i Hercegovini i druge relevantne politike djelovanja u dijelu koji se odnosi na promociju preduzetništva i konkurentnosti malih i srednjih preduzeća u Bosni i Hercegovini;

- j) olakšava povezivanje malih i srednjih preduzeća sa stranim investitorima i;
- k) doprinosi unapređenju poslovnih usluga, poslovne infrastrukture i podsticaja za strane investitore i za mala i srednja preduzeća u Bosni i Hercegovini.“.

Član 5.

U članu 6. stav (2), riječ “Upravnog” zamjenjuje se rječju “Savjetodavnog”.

Član 6.

Član 9. mijenja se i glasi:

“Član 9.

- (1) Savjetodavni odbor Agencije sastoji se od deset članova.
- (2) Članovi Savjetodavnog odbora imenuju se na period od dvije godine.
- (3) Imenovanje članova Savjetodavnog odbora vrši se kako slijedi:
 - a) dva člana imenuje Vijeće ministara;
 - b) po jednog člana imenuje Vlada Federacije BiH, Vlada Republike Srpske i Vlada Brčko Distrikta Bosne i Hercegovine;
 - c) tri člana predstavljaju poslovnu zajednicu u Bosni i Hercegovini, na način da po jednog člana imenuje Asocijacija poslodavaca u Federaciji BiH, Savez poslodavaca Republike Srpske i Udruga/Udruženje poslodavaca Brčko Distrikta BiH;
 - d) jedan član predstavlja zajednicu stranih investitora u Bosni i Hercegovini, a imenuje ga Udruženje stranih investitora u Bosni i Hercegovini;
 - e) jedan član predstavlja Vanjskotrgovinsku komoru Bosne i Hercegovine.

Član 7.

U članu 10. riječ “Upravnog” zamjenjuje se rječju “Savjetodavnog”.

Član 8.

U članu 12. stav (2) riječi "broj 28/00" zamjenjuju se riječima "br.28/00,46/06 i 102/09).

Član 9.

Član 17. mijenja se i glasi:

"Član 17.

(1) Danom stupanja na snagu ovog Zakona prestaje postojanje Upravnog odbora te istim danom prestaje mandat članovima Upravnog odbora.

(2) Imenovanje članova Savjetodavnog odbora izvršit će se u roku od 30 dana od dana stupanja na snagu ovog Zakona."

Član 10.

Član 18. se briše.

Dosadašnji član 19. postaje član 18.

Član 11.

Ovaj Zakon stupa na snagu osmog dana od dana objavljivanja u "Službenom glasniku BiH", a objavit će se i u službenim glasilima entiteta i Brčko Distrikta Bosne i Hercegovine.

PS BiH, broj _____/11

_____2011.godine

Sarajevo

Predsjedavajući

Predstavničkog doma

Parlamentarne skupštine BiH

Predsjedavajući

Doma naroda

Parlamentarne skupštine BiH

O b r a z l o ž e n j e

Zakona o izmjenama i dopunama Zakona o Agenciji za unapređenje stranih investicija u Bosni i Hercegovini

I - Pravni osnov

Pravni osnov za donošenje ovog Zakona sadržan je u članu IV.4.a) Ustava Bosne i Hercegovine, kao i odredbama člana III 1.b) Ustava Bosne i Hercegovine, prema kojem su nadležnosti institucija Bosne i Hercegovine i poslovi vanjskotrgovinske politike, u koje spada unapređenje i promocija stranih investicija u BiH .

II - Razlozi za donošenje Zakona

Vijeće ministara je na 134. sjednici, održanoj 05.10.2010.godine, donijelo zaključak kojim zadužuje Ministarstvo vanjske trgovine i ekonomskih odnosa da, zajedno s Agencijom za unapređenje stranih investicija u BiH, formira radnu grupu čiji će zadatak biti da pripremi prijedlog izmjena i dopuna Zakona o Agenciji za unapređenje stranih investicija u BiH, tako da se u nadležnost i naziv Agencije ugradi promocija preduzetništva.

Predloženim Zakonom o izmjenama i dopunama Zakona o Agenciji za unapređenje stranih investicija u BiH u nadležnost Agencije za unapređenje stranih investicija u BiH dodaje se promocija preduzetništva i malih i srednjih preduzeća, čime se ispunjava prvi dio zahtjeva za Bosnu i Hercegovinu iz Evropskog partnerstva za oblast malih i srednjih preduzeća: “da se uspostave minimalni kapaciteti na državnom nivou za koordinaciju politika u vezi s malim i srednjim preduzećima (MSP), uključujući agenciju za mala i srednja preduzeća i forum za dijalog i konsultiranje sa MSP (Vijeće za MSP)”.

Predložene izmjene i dopune su potpuno u skladu s evropskom praksom, koja insistira na institucionalnom razdvajanju implementacije od razvoja politika. U skladu s tim, poslovi razvoja politika i unapređenja preduzetništva i MSP će ostati u nadležnosti Sektora za preduzetništvo i ekonomski razvoj Ministarstva vanjske trgovine i ekonomskih odnosa BiH, dok će se poslovi implementacije tih politika obavljati u Agenciji za unapređenje stranih investicija i preduzetništva u Bosni i Hercegovini (u daljnjem tekstu: Agencija). Kvalitetnijem definiranju i kreiranju politika unapređenja preduzetništva i MSP doprinijet će i novouspostavljeno Vijeće/forum za promociju MSP pri Vijeću ministara BiH.

Ovo rješenje je zasnovano na najboljim svjetskim praksama zemalja koje su članice Evropske unije, a kao primjer navodimo Sloveniju, u kojoj je odličan rezultat dala integracija poslova promocije stranih investicija i preduzetništva u okviru jedne agencije – Javne agencije za promociju preduzetništva i stranih investicija.

Na ovaj način se u BiH uvodi nova praksa restrukturiranja postojećih institucija tako da one postanu djelotvornije i efikasnije, umjesto stvaranja novih institucija. Osnivanje novog sektora u Agenciji je ekonomičnije i održivije od formiranja nove agencije, za koju bi trebalo znatno više sredstava i vremena za dostizanje operativne funkcionalnosti.

Predloženim izmjenama i dopunama iz razloga ekonomičnosti predviđen je prestanak postojanja Upravnog odbora Agencije i prestanak mandata njegovim članovima (ukupno 9 članova) i osnivanje Savjetodavnog odbora koga će činiti 7 članova.

III - Obrazloženje predloženih rješenja

Član 1. predviđa dopunu naziva Zakona i člana 1. Zakona tako što se iza riječi "investicija" dodaju riječi "i preduzetništva", u skladu s nadležnostima Agencije;

Član 2. predviđa izmjenu člana 3. osnovnog Zakona u smislu promjene naziva Agencije na jezicima koji su u službenoj upotrebi u Bosni i Hercegovini, na engleskom jeziku i skraćenog naziva Agencije.

U članu 3. proširuju se nadležnosti i ciljevi Agencije na oblast preduzetništva i načini ostvarivanja tih ciljeva.

U članu 4. i 6. riječ "Upravnog" mijenja se riječju "Savjetodavnog" zbog toga što se izmjenama i dopunama Zakona predviđa prestanak postojanja Upravnog odbora, te osnivanje Savjetodavnog odbora.

Članom 5. osniva se Savjetodavni odbor Agencije i propisuje se broj članova Odbora, mandate, način imenovanja i institucije nadležne za imenovanje članova Odbora.

Član 7. predviđa prestanak postojanja Upravnog odbora Agencije i obavezu imenovanja članova Savjetodavnog odbora Agencije u roku od 30 dana od dana stupanja na snagu ovog Zakona.

Član 8. se briše zbog izmjene člana 17. osnovnog Zakona.

Član 9. sadrži odredbu o stupanju na snagu ovog Zakona.

IV – Finansijska sredstva

Nakon usvajanja ovog Zakona, Agencija za unapređenje stranih investicija će Vijeću ministara BiH predložiti izmjene Pravilnika o radu i sistematizaciji radnih mjesta u Agencije, koje će predvidjeti formiranje novog sektora za preduzetništvo. U sklopu tog sektora bit će potrebno zaposliti određen broj državnih službenika (između 5-8), tako da se planira da se budžet Agencije za 2012.godinu, uveća za oko 350.000,00 KM, koliko iznose procijenjeni troškovi funkcioniranja ovog sektora na godišnjem nivou.

V – Konsultacije u toku izrade

Odlukom Ministarstva vanjske trgovine i ekonomskih odnosa BiH broj:01-1-02-4149/10 od 22.11.2010. godine formirana je Radna grupa za izradu Prijedloga zakona o izmjenama i dopunama Zakona o Agenciji za unapređenje stranih investicija u Bosni i Hercegovini. Radna grupa, koju su činili dva predstavnika Ministarstva vanjske trgovine i ekonomskih odnosa BiH, te po jedan predstavnik Agencije za unapređenje stranih investicija u Bosni i Hercegovini, Federalnog ministarstva razvoja, preduzetništva i obrta, Ministarstva industrije, energetika i rudarstva RS i Vlade Brčko Distrikta BiH (Odjela za privredni razvoj, sport i kulturu), održala je dva sastanka.

Članovi Radne grupe su na posljednjem sastanku dali saglasnost na Prijedlog zakona o izmjenama i dopunama Zakona o Agenciji za unapređenje stranih investicija u Bosni i Hercegovini.

Pregled odredbi Zakona o izmjenama i dopunama Zakona o Agenciji za unapređenje stranih investicija u Bosni i Hercegovini

Član 1. koji je glasio

„Ovim Zakonom osniva se Agencije za unapređenje stranih investicija u Bosni i Hercegovini (u daljnjem tekstu: Agencija) i uređuje se njen položaj, nadležnost, rukovođenje, organizacija i druga pitanja od značaja za njen rad.”,

mijenja se i glasi:

„Ovim Zakonom osniva se Agencija za unapređenje stranih investicija i preduzetništva u Bosni i Hercegovini (u daljnjem tekstu: Agencija) i uređuje se njen položaj, nadležnost, rukovođenje, organizacija i druga pitanja od značaja za njen rad.“

Član 3. koji je glasio

„ (1) Naziv Agencije je: Agencija za unapređenje stranih investicija u Bosni i Hercegovini.

(2) Naziv Agencije na engleskom jeziku je: "Foreign Investment Promotion Agency of Bosnia and Herzegovina".

(3) Skraćeni naziv Agencije je "FIPA””,

mijenja se i glasi:

„(1) Naziv Agencije je: Agencija za unapređenje stranih investicija i preduzetništva u Bosni i Hercegovini.

(2) Naziv Agencije na engleskom jeziku je: "Foreign Investment and Entrepreneurship Promotion Agency of Bosnia and Herzegovina".

(3) Skraćeni naziv Agencije je "FIEPA".“

Član 5. st. (1) i (2), koji su glasili:

“(1) Agencija vrši promociju i unapređenje direktnih stranih investicija u skladu sa zakonom, odlukama i smjernicama Vijeća ministara Bosne i Hercegovine.

(2) Agencija kreira imidž o Bosni i Hercegovini kao o modernoj državi, ozbiljnom, konkurentnom i sigurnom partneru za ulaganje kapitala.

Radi ostvarenja cilja iz prethodnog stava Agencija:

a) osigurava informacije potencijalnim investitorima o zakonodavstvu Bosne i Hercegovine;

b) upućuje investitore ka potencijalnim investicijskim projektima u entitetima, kantonima, regijama i pojedinim sektorima privrede;

c) predstavlja prednosti i karakteristike koje se odnose na projekte, i to: zakonski, ekonomski i finansijski okvir, poreski sistem, industrijsko okruženje, te olakšice koje se daju investitorima na državnom, odnosno entitetskom ili nižem nivou;

- d) organizira i/ili učestvuje na seminarima, izložbama i konferencijama na kojima se promovira država;
- e) prati i analizira investicijsko okruženje na državnom i međunarodnom nivou;
- f) predlaže legislativu i zakonske mjere s ciljem unapređenja uslova investiranja;
- g) učestvuje u pregovorima o međudržavnim, bilateralnim i multilateralnim investicijskim sporazumima;
- h) pokreće i održava saradnju s istim ili sličnim agencijama drugih zemalja.”

mijenjaju se i glase:

“(1) Agencija vrši promociju direktnih stranih investicija i doprinosi promociji preduzetništva i poboljšanju konkurentnosti malih i srednjih preduzeća, u skladu s ovim Zakonom, odlukama i smjernicama Vijeća ministara Bosne i Hercegovine (u daljnjem tekstu: Vijeće ministara), u saradnji s drugim nadležnim institucijama na nivou Bosne i Hercegovine, entiteta i Brčko Distrikta Bosne i Hercegovine.

(2) Agencija promovira Bosnu i Hercegovinu kao modernu državu, ozbiljnog, konkurentnog i sigurnog partnera za ulaganje kapitala”.

Poslije stava (2) dodaje se novi stav (3) koji glasi:

“(3) Radi ostvarenja ciljeva iz st. (1) i (2) ovog člana Agencija:

- a) osigurava informacije potencijalnim investitorima o zakonodavstvu Bosne i Hercegovine;
- b) upućuje investitore ka potencijalnim investicijskim projektima u entitetima, Brčko Distriktu Bosne i Hercegovine, kantonima, regijama i pojedinim sektorima privrede;
- c) predstavlja prednosti i karakteristike koje se odnose na projekte, i to: zakonski, ekonomski i finansijski okvir, poreski sistem, industrijsko okruženje, te olakšice koje se daju investitorima na nivou države, odnosno entiteta, Brčko Distrikta Bosne i Hercegovine ili nižem nivou;
- d) organizira i/ili učestvuje na seminarima, izložbama i konferencijama na kojima se promovira država;
- e) prati i analizira investicijsko okruženje na državnom i međunarodnom nivou;
- f) predlaže legislativu i zakonske mjere s ciljem unapređenja uslova investiranja;
- g) učestvuje u pregovorima o međudržavnim, bilateralnim i multilateralnim investicijskim sporazumima;
- h) pokreće i održava saradnju s istim ili sličnim agencijama drugih zemalja;

i) provodi Strategiju razvoja malih i srednjih preduzeća u Bosni i Hercegovini i druge relevantne politike djelovanja u dijelu koji se odnosi na promociju preduzetništva i konkurentnosti malih i srednjih preduzeća u Bosni i Hercegovini;

j) olakšava povezivanje malih i srednjih preduzeća sa stranim investitorima i;

k) doprinosi unapređenju poslovnih usluga, poslovne infrastrukture i podsticaja za strane investitore i za mala i srednja preduzeća u Bosni i Hercegovini.“.

Član 6. u stavu (2), koji je glasio:

“(2) Direktor Agencije učestvuje u radu Upravnog odbora Agencije bez prava glasa.”

riječ “Upravnog” zamjenjuje se riječju “Savjetodavnog”, tako da stav (2) glasi:

“(2) Direktor Agencije učestvuje u radu Savjetodavnog odbora Agencije bez prava glasa.”

Član 9. koji je glasio:

“Upravni odbor Agencije sastoji se od devet članova.

(2) Članovi Upravnog odbora imenuju se na period od dvije godine.

(3) Imenovanje članova Upravnog odbora vrši se kako slijedi:

a) dva člana imenuje Vijeće ministara BiH;

b) po jednog člana imenuje Vlada Federacije BiH i Vlada Republike Srpske;

c) jednog člana imenuje Vanjskotrgovinska komora BiH;

d) dva člana predstavljaju poslovnu zajednicu u Bosni i Hercegovini, na način da po jednog člana imenuje Asocijacija poslodavaca u Federaciji BiH i Savez poslodavaca Republike Srpske;

e) dva člana predstavljaju zajednicu stranih investitora u Bosni i Hercegovini, a imenuju se od Udruženja stranih investitora u Bosni i Hercegovini.”

mijenja se i glasi:

“(1) Savjetodavni odbor Agencije sastoji se od osam članova.

(2) Članovi Savjetodavnog odbora imenuju se na period od dvije godine.

(3) Imenovanje članova Savjetodavnog odbora vrši se kako slijedi:

a) jednog člana imenuje Vijeće ministara;

b) po jednog člana imenuje Vlada Federacije BiH, Vlada Republike Srpske i Vlada Brčko Distrikta Bosne i Hercegovine;

c) tri člana predstavljaju poslovnu zajednicu u Bosni i Hercegovini, na način da po jednog člana imenuje Asocijacija poslodavaca u Federaciji BiH, Savez poslodavaca Republike Srpske i Udruga/Udruženje poslodavaca Brčko Distrikta BiH;

d) jedan član predstavlja zajednicu stranih investitora u Bosni i Hercegovini, a imenuje ga Udruženje stranih investitora u Bosni i Hercegovini. “

U članu 10. koji je glasio:

“Nadležnosti Upravnog odbora su:

- a) Predlaganje strateških ciljeva Agencije, kroz saradnju s Ministarstvom vanjske trgovine i ekonomskih odnosa Bosne i Hercegovine, vladama entiteta i Brčko Distrikta Bosne i Hercegovine;
- b) predlaganje poslovne strategije, poslovnog plana i akcionog plana Agencije;
- c) razmatranje realiziranja i ostvarivanja ciljeva i plana rada Agencije.”

riječ “Upravnog” zamjenjuje sa riječju “Savjetodavnog”, tako da ovaj član glasi:

“Nadležnosti Savjetodavnog odbora su:

- a) Predlaganje strateških ciljeva Agencije, kroz saradnju s Ministarstvom vanjske trgovine i ekonomskih odnosa Bosne i Hercegovine, vladama entiteta i Brčko Distrikta Bosne i Hercegovine;
- b) predlaganje poslovne strategije, poslovnog plana i akcionog plana Agencije;
- c) razmatranje realizacije i ostvarivanja ciljeva i plana rada Agencije.”

Član 12. u stavu (2) koji je glasio:

“(2) Javnost rada Agencije može se osigurati ili isključiti samo u slučajevima utvrđenim u legislativi BiH. Agencija ima pravo pristupa informacijama u skladu sa Zakonom o slobodi pristupa informacijama u Bosni i Hercegovini (“Službeni glasnik BiH”, broj 28/00).”

riječi “broj 28/00” zamjenjuju se riječima “br.28/00,46/06 i 102/09), tako da stav (2) glasi:

“(2) Javnost rada Agencije može se osigurati ili isključiti samo u slučajevima utvrđenim u legislativi BiH. Agencija ima pravo pristupa informacijama u skladu sa Zakonom o slobodi pristupa informacijama u Bosni i Hercegovini (“Službeni glasnik BiH”, broj 28/00, 46/06 / 102/09).”

Član 17. koji je glasio:

“Danom stupanja na snagu ovog Zakona prestaje važiti Odluka o osnivanju Agencije za unapređenje stranih investicija u Bosni i Hercegovini ("Službeni glasnik BiH", br. 16/98, 15/99, 6/02 i 12/02).”,

mijenja se i glasi

“(1) Danom stupanja na snagu ovog Zakona prestaje postojanje Upravnog odbora te istim danom prestaje mandat članovima Upravnog odbora.

(2) Imenovanje članova Savjetodavnog odbora izvršit će se u roku od 30 dana od dana stupanja na snagu ovog Zakona.”

Član 18. koji je glasio:

“(1) Prava, obaveze i odgovornosti Agencije za unapređenje stranih investicija u Bosni i Hercegovini, osnovane Odlukom navedenom u članu 17. ovog zakona, preuzet će Agencija osnovana u skladu s ovim Zakonom.

(2) Period od osnivanja Agencije Odlukom iz člana 17. ovog zakona bit će uzet u obzir prilikom primjene člana 7. stav 2. ovog Zakona.”

se briše.

Član 19. koji je glasio:

“Ovaj Zakon stupa na snagu osmog dana od dana objavljivanja u "Službenom glasniku BiH", a objavit će se i u službenim glasilima entiteta i Brčko Distrikta Bosne i Hercegovine.”

postaje član 18.